

<b>Adroddiad i'r</b>	Pwyllgor Llywodraethu ac Archwilio
<b>Dyddiad y cyfarfod</b>	23 Tachwedd 2022
<b>Aelod / Swyddog Arweiniol</b>	Y Cynghorydd Gwyneth Ellis, Aelod Arweiniol Cyllid, Perfformiad ac Asedau Strategol
<b>Awdur yr adroddiad</b>	Steve Gadd, Pennaeth Cyllid ac Eiddo
<b>Teitl</b>	Diweddariad ar y cynnydd gyda'r Datganiad Cyfrifon 2021/22.

## 1. Am beth mae'r adroddiad yn sôn?

Darparu diweddariad ar yr archwiliad o ddrafft Datganiad Cyfrifon 2020/21.

## 2. Beth yw'r rheswm dros wneud yr adroddiad hwn?

Mae'r Pwyllgor Llywodraethu Corfforaethol wedi dirprwyo cyfrifoldeb i gymeradwyo'r cyfrifon wedi'u harchwilio, y gobaith oedd y byddai'r rhain wedi cael eu cyflwyno i'r cyfarfod ar 23 Tachwedd 2022. Nid oedd hynny'n bosib ac mae'r adroddiad hwn yn egluro'r prif reswm dros hynny.

## 3. Beth yw'r Argymhellion?

3.1 Nodi'r sefyllfa fel y cyflwynir yn yr adroddiad diweddar hwn.

## 4. Manylion yr adroddiad

### Cefndir

Mae dyletswydd statudol ar y cyngor i baratoi datganiad cyfrifon sy'n cydymffurfio â'r safonau cyfrifo a gymeradwyir. Mae'n rhaid i'r aelodau etholedig gymeradwyo'r cyfrifon a archwiliwyd yn ffurfiol ar ran y cyngor. Mae'r rôl hon wedi cael ei dirprwyo i'r Pwyllgor Llywodraethu Corfforaethol. Bellach mae'r cyfrifon drafft wedi eu cwblhau ac wedi'u

Ilofnodi gan y Pennaeth Cyllid ar 27 Mehefin (2 Awst y llynedd). Mae'r cyfrifon drafft wedi bod ar gael i'w harchwilio yn ôl y gofyn a hefyd wedi bod ar gael i'r cyhoedd i'w harchwilio rhwng 15 Gorffennaf a 11 Awst.

Fel sydd wedi digwydd dros y blynyddoedd diwethaf fe gyhoeddodd Llywodraeth Cymru ganllawiau yn nodi, oherwydd effaith parhaus Covid, y byddai terfynau amser statudol ar gyfer cwblhau cyfrifon Drafft a chyfrifon wedi'u Harchwilio yn cael eu hymestyn fel y nodwyd yn y tabl isod. Cymerodd CSDd y penderfyniad cynnar i gyhoeddi rhybudd (gweler isod) i nodi na fyddwn yn anelu at y dyddiad cau cynnar statudol ond y byddai'n cyflawni'r dyddiadau cau diwygiedig. Cymerwyd y penderfyniad hwn mewn ymgynghoriad ag Archwilio Cymru ac roedd modd iddyn nhw asesu eu gallu i gwblhau'r gwaith archwilio angenrheidiol.

Mae "Rheoliad 10(1) Rheoliadau Cyfrifon ac Archwilio (Cymru) 2014 (fel y'i diwygiwyd ) yn ei gwneud yn ofynnol bod Swyddog Ariannol Cyfrifol Cyngor Sir Ddinbych yn arwyddo ac yn dyddio'r datganiad cyfrifon, ac yn ardystio eu bod yn cynrychioli safbwynt cywir a theg o sefyllfa ariannol y corff ar ddiwedd y flwyddyn y mae'r datganiad yn gysylltiedig â hi ac o incwm a gwariant y corff ar gyfer y flwyddyn honno. Yn ôl y Rheoliadau, mae rhaid i hyn gael ei gwblhau erbyn 31 Mai 2022.

Mae terfynau amser statudol 2020/21 i'w gweld yn y tabl isod ynghyd â'r terfynau amser estynedig a ddarparwyd gan Lywodraeth Cymru oherwydd parhad y pandemig.

<b><i>Eitem</i></b>	<b><i>Dyddiad Cau Statudol</i></b>	<b><i>Dyddiad Cau Estynedig</i></b>
Datganiad Cyfrifon Drafft	31 Mai 2022	31 Awst 2022
Datganiad Cyfrifon wedi'i Archwilio	31 Gorffennaf 2022	30 Tachwedd 2022

*Nid yw'r Swyddog Ariannol Cyfrifol wedi arwyddo ac ardystio'r cyfrifon ar gyfer y flwyddyn a ddaeth i ben 31 Mawrth 2022 oherwydd effaith Covid-19 ar adnoddau staff a gwaith ychwanegol o gwblhau'r cyfrifon eleni, a bydd yn gweithio o fewn y terfynau amser estynedig."*

## Sefyllfa Bresennol

Ar y cyfnod hwn roedden ni'n dal i obeithio cyflwyno'r Cyfrifon Terfynol i'r pwyllgor. Fodd bynnag dros y misoedd diwethaf mae problem newydd wedi achosi oedi. Mae Archwilio Cymru wedi darparu'r crynodeb canlynol o'r sefyllfa:

*"Mae Cod Ymarfer Sefydliad Siartredig Cyllid Cyhoeddus a Chyfrifyddiaeth LASAAC ar gyfer Cyfrifeg Awdurdod Lleol yn y Deyrnas Unedig (y Cod) angen asedau Isadeiledd i gael eu mesur yn defnyddio sail mesur cost hanesyddol a'u cario ar gost dibrisiad hanesyddol.*

*Mae archwilwyr Llywodraeth Leol yn Lloegr wedi codi pryderon ynglŷn â gwariant dilynol ar asedau Isadeiledd. Pan mae cyfansoddiad o ased yn cael ei newid, mae'r cod yn disgwyl i'r cyfanswm cludo ar gyfer yr hen gyfansoddiad i beidio â chael ei gydnabod er mwyn osgoi cyfri ddwywaith a bydd y cyfansoddiad newydd yn cael ei adlewyrchu yn y cyfanswm cludo ar gyfer yr ased Isadeiledd.*

*Oherwydd anawsterau ymarferol o roi'r cyfansoddiad cyfrifo ar waith ar gyfer cydnabod a pheidio ag adnabod cyfansoddiadau wedi'u newid ar gyfer asedau Isadeiledd mae'r rhan fwyaf o awdurdodau lleol wedi methu â chydymffurfio â'r gofyniad i asesu gwerth llyfr net y cyfansoddiad wedi'i newid ac wedi trin y cyfanswm ar gyfer y cyfansoddiad sydd wedi'i newid fel sero. Y rheswm dros hyn yw bod y cyfansoddiad sydd wedi'i newid yn cael ei ystyried i fod wedi'i ddarfod yn llwyr ar y pwynt y mae'n cael ei newid. Y pryder a gododd yr archwilwyr yw bod yna bosib diffyg tystiolaeth i gefnogi'r dybiaeth hwn. O ganlyniad, a heb unrhyw ddatrysiad, mae yna berygl y byddai datganiadau ariannol yr awdurdod lleol yn gymwys yn hyn o beth.*

Rôl Bwrdd Cod Cyfrifeg Awdurdod Lleol Sefydliad Siartredig Cyllid Cyhoeddus a Chyfrifyddiaeth LASAAC yw ystyried i ba raddau y dylai Safonau Adrodd Ariannol Rhyngwladol fod yn berthnasol i awdurdodau lleol ac i addasu a dehongli safonau cyfrifeg i fynd i'r afael â'r cyd-destun sector cyhoeddus. Hyd yma dydi Sefydliad Siartredig Cyllid Cyhoeddus a Chyfrifyddiaeth LASAAC ddim wedi gallu dod o hyd i ffordd ymlaen a fydd yn bodloni pryderon archwilio a'r gofyniad i ddefnyddio dull o safon uchel i adrodd ar y sefyllfa ariannol.

*Mae Llywodraeth Cymru yn ymgynghori ar hyn o bryd ar ddiystyru statudol mewn perthynas â'r broblem hon tra bod ateb parhaol yn cael ei ddatblygu o fewn y Cod, a fydd yn gwella'r broses o adrodd ar y sefyllfa ariannol yn y maes hwn.*

*O dan y Safonau Rhyngwladol ar Archwilio (Awdurdod Diogelu Annibynnol) 260, mae angen i Archwilio Cymru i gyfathrebu materion perthnasol i'r archwiliad o'r Datganiad Cyfrifon i'r rheiny gyda chyfrifoldeb llywodraethu, lle mai'r Cyngor yw'r Pwyllgor Llywodraethu ac Archwilio. Wedi trafod y mater ased Isadeiledd gydag Archwilio Cymru eu safbwynt nhw yw nad oes modd rhoi safbwynt ar y datganiadau ariannol nes bod y broblem wedi cael ei datrys. Felly, bydd cymeradwyaeth ffurfiol o'r Cyfrifon yn cael eu gohirio tan ddyddiad arall pan fydd y broblem wedi'i datrys."*

Yn amlwg dyma siomedigaeth fawr er mae'n gwbl ddealladwy. O safbwynt y gwasanaeth dylid nodi'r oedi parhaus i gymeradwyo'r cyfrifon mewn modd amserol. Yn arbennig effaith yr oedi ar y gallu i gyflawni gwaith arall fel:

- Cefnogi'r broses adrodd ar y gyllideb cyfalaf
- Adnabod Arbedion a rhoi gwybod am y Cynllun Ariannol Tymor Canolig
- Cefnogaeth sydd ei angen ar gyfer y Cyfrif Refeniw Tai - Cynllun Busnes Stoc Dai
- Unrhyw welliannau gwasanaeth i brosesau ariannol
- Ceisiadau am wybodaeth / adroddiadau gan bwyllgorau
- Prosiect System Ariannol
- Yr angen i gyflawni o leiaf rhai o'r swyddogaethau hyn sydd hefyd yn effeithio ar allu'r gwasanaeth i ymateb i ymholiadau gan AC ynghylch y Datganiad Cyfrifon.

## **5. Sut mae'r penderfyniad yn cyfrannu at y Blaenoriaethau Corfforaethol?**

Mae cyhoeddi'r Datganiad Cyfrifon yn sail i stiwardiaeth a llywodraethu ariannol y cyngor ac felly mae'n cefnogi holl wasanaethau a blaenoriaethau'r cyngor.

## **6. Faint fydd hyn yn ei gostio a sut y bydd yn effeithio ar wasanaethau eraill?**

Does dim costau uniongyrchol ychwanegol yn codi o ganlyniad i'r adroddiad hwn. Fodd bynnag mae gan y gwasanaeth y staff sydd ei angen ar gyfer cymeradwyo cyfrifon Medi, felly byddai rhagor o oedi yn y dyfodol yn golygu costau ychwanegol er mwyn lleihau'r effaith ar waith arall wedi'i amlygu yn Adran 4.

## **7. Beth yw prif gasgliadau'r Asesiad o'r Effaith ar Les?**

Barn broffesiynol y Swyddog Adran 151 yw nad oes angen Asesiad o'r Effaith ar Les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

Mae gweithdrefnau a phrosesau'r cyngor sy'n sail i gynhyrchu'r cyfrifon yn cael eu hadolygu'n rheolaidd gan Swyddfa Archwilio Cymru. Caiff barn broffesiynol ei cheisio oddi wrth nifer o ddisgyblaethau eraill y tu hwnt i gyllid, fel yr adain gyfreithiol, prisio eiddo, adnoddau dynol a phensiynau.

## **9. Datganiad y Prif Swyddog Cyllid**

Mae'r Datganiad Cyfrifon yn elfen allweddol o fframwaith llywodraethu'r cyngor. Mae'n bwysig bod aelodau etholedig yn cael eu sicrhau bod y cyfrifon wedi cael eu cynhyrchu yn unol â'r safonau perthnasol a bod y broses sy'n sail i gynhyrchu'r cyfrifon yn gadarn. Er ei fod yn siomedig bod yr amserlen wedi methu eto eleni mae'n braf nodi bod yr endid sengl drafft o'r Datganiad Cyfrifon wedi'u paratoi o fewn yr amserlenni gwreiddiol.

## **10. Pa risgiau sydd ac a oes unrhyw beth y gallwn ei wneud i'w lleihau?**

Byddai'r cyngor yn torri ei ddyletswydd statudol pe na fyddai'n gallu cymeradwyo'r cyfrifon erbyn 30 Tachwedd heb hysbysiad pellach - ar hyn o bryd mae'n cael ei lunio er mwyn ei gyflwyno mewn da bryd.

## **11. Pŵer i wneud y penderfyniad**

Dan Adran 151 Deddf Llywodraeth Leol 1972, mae'n ofynnol i awdurdodau lleol wneud trefniadau i weinyddu eu materion ariannol yn briodol. Mae Deddf Archwilio Cyhoeddus

(Cymru) 2004 yn ei gwneud yn ofynnol i'r Archwilydd Penodedig archwilio ac ardystio cyfrifon y cyngor, a rhaid iddo fod yn fodlon bod y cyfrifon wedi cael eu cwblhau yn unol â Rheoliadau Cyfrifon ac Archwilio (Cymru) 2018.